

中國方志叢書·華中地方·第八八九號

據

清·符執桓纂修·
清康熙十二年刊本

影印

江 西 省

新喻縣志

(二)

成文出版社有限公司印行

喻縣志卷之八

江西臨江府新喻縣知縣符執桓編撰

秩祀

禮幽治明固前守土之責禦災捍患尤貴神祇之功祀有常經品與時其必辨神無非享僭與濫以維嚴敬之哉清直問心無在不可以質神明豈惟博碩肥腍肅寅恭于對越之際哉爰誌秩祀

縣學先師廟祀先師孔子東西列四配十哲次之兩廡列七十子春秋以來諸儒次之歲以春秋二仲

上丁日致祭先師用幣一羊一豕一爵三登一饔
二簋二盥二籩八豆八四配用羊一豕一各幣一
爵三登一饔二簋一盥一籩六豆六十哲用幣二
豕二各爵一饔一盥一籩一籩四豆四兩廡每四
壇共用幣一豕一各爵一盥一籩一籩四豆四凡
祭大合樂麾一祝一歌一琴六瑟二鐘磬各十有
六塤篪各二簫鳳簫各四笙六笛四搏拊鼓應鼓
各二樂生三十八人工歌六人旌二籥翟各三十
有六

祭文

惟師德配天地道冠古今刪述六經垂憲萬世維

茲仲

春秋

謹以牲帛醴齊粢盛庶品式陳明薦以復

聖顏子宗聖曾子述聖子思子亞聖孟子配

啟聖祠祀啟聖孔公而以顏路曾點孔鯉孟孫氏

配又以程珦朱松蔡元定

周輔成四人附焉

祭先師則先

期行事祭品視十哲

祝文

惟公誕生至聖爲萬世王者之師功德顯著古今

其及茲因仲春秋特用祭告以朱賢顏氏先賢曾氏

先賢孔氏先賢孟孫氏配

四配復聖顏子宗聖曾子述聖子思子亞聖孟子
十哲閔損冉耕冉雍宰子端木賜冉求仲由言偃
顓孫師卜商

兩廡澹臺滅明原憲南宮适商瞿漆雕開司馬耕
有若巫馬期曹邴公孫龍秦祖顏高穰駟赤石

蜀公夏首后蒼奚容蒧顏祖句井疆秦商公祖句
茲縣 燕伋顏之僕樂欬狄黑孔忠公西歲施之

常秦非申張顏噲必不齊公冶長公西哀高柴樊
須公西赤梁鱣冉孺伯虔冉季漆雕哆漆雕徒父
商澤任不齊公良孺公肩定鄔單罕父黑榮旂左
人郢鄭國原亢廉潔叔仲會邾巽公西子輿陳亢
琴張叔步乘曰先賢某子左丘明公羊高穀梁赤高堂
生毛萇伏勝孔安國董仲舒后虔王通杜子春韓
愈胡瑗周惇頤程顥程頤邵雍張載司馬光歐陽
修楊時朱熹呂祖謙胡安國張栻蔡沈真德秀許

衡

曰先儒某子

黜祀者十三人申黨公伯寮秦冉顏何荀况戴聖
劉向賈逵馬融何休王肅王弼杜預吳澄

增祀五人后蒼王通歐陽修胡瑗陸九淵

祀于其鄉七人林放蘧瑗鄭眾盧植鄭玄服虔范
甯

後又增祀明季五人薛瑄胡居仁吳與弼陳獻章
王守仁

國朝仍舊

凡正祭前三日正獻官陪祭官及執事人等沐浴

更衣散齋二日各宿別室致齋一日同宿齋所散齋仍理事務惟不飲酒不茹葷不吊喪問疾不聽樂不行刑不判署刑殺文書不預穢惡事致齋惟理祭事

名宦祠在啟聖祠左祀唐杜璵五代李著宋李之邵黃瀛羅晟元劉汝弼明李存仁洪鈞葛真張种姚祥盧翊鄭獻李時陽

每歲春秋釋奠文廟畢用幣一爵三簋一簋一籩四豆四致祭名宦祠主祭官以下俱服便服行禮

祝文

昔官茲土咸有樹立媿非倖成功非掩飾孰彰于
前孰達于聞穹碑信史遺跡剩芬施法死勤著在
舊典禮以成之敢用弗腆麗牲載酤進公之堂擊
鼓迎神神其我享

鄉賢祠在啟聖祠左卽宋先賢祠祀宋樞密李諮
寺丞蕭固侍讀劉敞中舍劉攽樞密學士劉奉世
給諫李大有叅政蕭燧司農楊獬尚書謝諤章類
處士城崗先生嚴時亨司業黎立武元學博傅若

金明徵士石門先生梁寅詹事習嘉言大理卿張
固尚書傅瀚都諫張文知府劉澄亮御史傅諤黎
鳳侍讀張春叅政張茂頤南禮祠郎晏仕偉
每祀宦祠事畢卽祀鄉賢祭品儀式亦如之

祝文

民以俗習賢因地靈身彝行獲鄉人所經或器沉
渙或節稜厲要其歸趣若執左契某水某丘公所
昔遊文獻之餘賴有前修我享維時以妥以侑廐
然精爽鑒我邊豆

土地祠在聖廟右祀文廟後遂祀之

祭器

正殿大鐵爐瓶一副小銅香爐六東西廡香爐各十

三銅爵大小共一百三十四銅觔十九錫簋錫簋

各三十四盥洗銅盆一錫酒壺二酒鈎二鐵鍋四

燭剪一

已上俱銅
錫鐵器

齋戒碑一籩豆各一百四十四

登五牲匣二帛篚九正殿香案八大小案四十牀

盤一十小方盤一百二十滌牲桶八燭檠六十庭

燎架二紅紗燈籠六盛毛皿盆四

已上俱
木器

大花餅

四盞二百碗二百

已上磁器

霽巾三幌巾六

以上各器悉燬于兵燹不可究詰

祭品羊豕幣帛外用兔六鹿一檀香降香各九炷
茶苑香九片速香兜香各十五斤栢香十斤茴香
赤麴蒔蘿榛子芡子各一斤蜜一斤乾筍棗子大
栗各十斤黍稷稻粱各一斗糲料一斤粘粉糯粉
蕎粉各二盤錮鹽五斤醢肉四斤藁魚五尾造脯
鮮魚四斤醬醋各一斤木油十斤白蠟三十兩清
油四十斤酒米一石青菹葱菹芹菹各二盤

石門祠祀梁先生寅在東門外保障坊右嘉靖四十四年知縣祝爾慶建隆慶四年知府管大勳重修詳記

每祭宦賢二祠畢卽祀先生用幣一牢一豕一爵

三簋一盞一餠一登一籩四豆四

今祠久圯

社稷壇在縣西城外一里壇制東西南北俱二丈五尺闊高三尺四寸出陛各三尺壇下前十二丈東西南各五丈緣以周牆四門紅油由北門入每祭歲以春秋上戊日用幣一餠一簋一盞一牢一

豕一籩四豆四

祝文

品物資生蒸民乃粒養育之功司土是賴維茲仲

春禮宜
告祀謹以牲帛醴齊粢盛庶品式陳明薦

尚饗

風雲雷雨山川壇在西城外一里閱武塲外宋元
附祭于社稷壇洪武初令天下各祀其境內山川
六年以風雲雷雨合祭後復叅以城隍之神是年
知縣高執中奉制建壇以風雲雷雨居中山川居

左城隍居右每歲祭社稷畢隨祭此壇壇制丈尺
高廣及祭品儀式俱同社稷壇

祝文

惟神妙用神機生育萬物奠我民居足我民養某

等欽承

上命忝職茲土今當仲

春秋

謹以牲醴庶

品用伸常祭

城隍祠在縣治西百步許向南臨街直一百步橫
八十步舊祭祠中後改合祭于山川壇及祭邑厲
亦迎其神主祭于厲壇上遂不專祭唯守土官新

任備牲祭告焉傳舊祠在縣西丁家壩內蓋縣治始遷于虎墩實邑民丁氏宅左也初卜治時丁公方捆屨忽聞以其宅爲治遂驚訝而沒故邑人附祀于祠左今北門壩丁公祠卽舊城隍祠之右祠也洪武初知縣黃允遷于今處宣德中洪鈞重建有記

國朝康熙辛亥知縣符執桓重修規模弘敞視昔尤崇有記見藝文

邑厲壇在縣北城外一里明洪武四年知縣閔煥

建以清明日七月望日十月朔日几三祭皆日晡
時壇制高二尺五寸方六丈已上三壇齋房牲
所俱廢

葛仙壇在縣東七十里百丈峯上有煉丹井飛來
石

萬仙壇在縣南三十里桐陂獅山上初邑人周光
灝嘗遊山側得靜默胡真人祕授遂隱居修真于
此道德日高徵辟不就別號靜儉先生沒而神顯
里人附祀于壇右有所立應